


Universitätsbibliothek Paderborn


Appendix Apologetica, Id est, Opponentis sic nominati Responsio Brevis, Ad Prodromum, Disputationis Secuturæ


> Fibus, Bartholomaeus Schweitzer, Johannes

Coloniæ Agrippinæ, 1682


urn:nbn:de:hbz:466:1-39318





















APPENDIX APOLOGETICA,

Id est,

OPPONENTIS

sic nominati

RESPONSIO BREVIS,

A D

PRODROMUM,
DISPUTATIONIS SECUTURÆ,

ipsamque
DISPUTATIONEM BREVEM
AUTHORIS DISSERTATIONUM,

De RADICE damnatarum

Propositionum,

AB

ALEXANDRO VII.

INNOCENTIO XI.



Typis PETRI ALSTORFF, Anno 1982.

Permissi Superiorum.



Si amicus, qui me primus gladio petiit, stylo repulsus est, sit humanitatis Es justitiæ, ACCUSANTEM reprehendere; non RESPONDENTEM.

Hieronym. Epist. 18. ad Augustin.

De RADIOS dampatarum

Propolitionunt

MILEXANDRO VII.

INNOCENTIO XI.

APPENINX

ADITIOLOGERICA

OPPONENTIS

" श्रीक 3. श्रीक



Admodum Reverende & Eximie Pater Magister.



N reditu meo ad Ubios, à quibus negotii caus à paulisper abcesseram, reperi typis editum, & vulgatum in absentia mea libellum, qui inscribitur: Prodromus disputationis secutura

pro confirmatione sententia de tenenda in concursu opinionum probabiliore, id est, justa querela de RESPONSIONE BENIGNA, seu APO-LOGIA OPPONENTIS.

Multum egimus, ut dum Epistola mea respondere conatur, apertius se proderet. Hieronymus Epist, 14.

1. Tandem (ita incipit Paternitas Vestra)
produt in lucem partus ille infelix & monstrosus,
licet parturienti, quemadmodum simia suus difformis catulus videatur pulcherrimus, APOLOGIA
pro conscientiis insirmis. Proruperunt ex sædo luto
prognati mures, plurima injuriosa & scandalosa
censura, quibus ego & Dissertationis triplicis Approbatores, Eximu SS. Theologia DD. & doctrina
in scriptura, Conciliis, Patribus, solide fundata ro)(2

अरोक 4. अरोक

duntur ab Apologista Satyrico & Declamatore. &c. quot verba, Eximie Pater, tor acerbæ mentis argumenta. Quid mitius possum respondere, nisi:

Sufficit mihi probare mea, & aliena non carpere. Hieron. Epist. 13.

2. Objicit mihi, quòd fingam me hostem & falsò pratexam me injuriis provocatum. Sum hostis: sed quales erant Israelitæ, de quibus Hieron. Epist. 11.

In Paralippomenon libro legitur, quod filii Ifrael ad pugnandum processerint mente pacificà, inter ipsos quoque gladios non suam, sed pacis gloriam cogitantes.

Quibus & quantis injuriis provocatus sim, potest videre, qui oculos habet, in Dissert, triplici. Judicent alii quod volunt; Ego ad Lectores prudentes, intelligentes, cordatos appello.

O vita Pauperum Deus, in cujus sinunon est contradictio, plue mihi mitigationes in cor, ut patienter tales seram. Aug. 1.12 Confessionum. cap.25.

3. Pergit protestari, quòd vagam solum probabilitatem oppugnaverit in suis libellis. Ita est: vagam & versatilem illam, super quâ fatetur, ex vero testimonio Terilli, esse adeò gravem controversiam, ut mundum gravior & acrior nunquam impleverit. Probè intelligimus, quo spectent atgumenta dissert. triplicis in cap 3. Apologiæ mez dilucidè resutata,

अरहरू इ. अरहरू

Pace Paternitatis Vestræ dixerim, censuræ suæ in Probabilisticam immaturo nimis judicio latæ, vesut in Radicem, timere incipit, memor mandati Pontificis, quod ad calcem damnatarum propositionum tulit Innocent. XI in virtute S.O-bedientiæ, de non censurandis doctrinis, quæ adhuc inter Catholicos hinc inde controvertuntur, donec à S. Sede cognitæ sint, & judicium proferatur.

Quia periculosum intelligis esse quod dixisti, rursum illud superstuis verbis temperare conaris. Hieron. Epist. 11.

4. Gloriatur, quòd me convicerit in pluribus producendis Societatis Doctoribus, qui probabilioristicam docuerint. Omninò duos protulit ignobiles Viros. Cur non Suarios, Vasquios & similes adjunxit i unanimiter enimomnes Societatis Doctores improbant vagam, temerariam & creperam Probabilitatem, quam impugnasse cupit videri Patetnitas Vestra.

Si antem me reprehendus errantem, patere me quaso cum talibus errare; con
cum me erroris mei socios multos habere perspexeris; tu, veritatis tua adstipulatorem adferre debebis saltem unum. (exceptione majorem) Hieron. Epist, 11.

Inter-

अरे १६ थ अरे १६

9. Interpretatur Paternitas Vestra verba Pontificis, & per modumopinandi, qui irrepit, alienum omnino ab Evangelica simplicitate; dicit intelligi opinionem, quæ licitum facit sequi sententiam probabilem relictà probabiliore. Nollem ego, Eximie M. nollem hanc à me factam esse interpretationem. Definire talia, est sedentiumin suprema Cathedra Ecclesiæ, Pergit tamen probare, quia probabilistica est, quæ latam facit salutis viam. Omnino latam in sensu Psalmista: Latum mandatum tuum nimis. Pfal. 118. & sicut ipsa Veritas loquitur: Jugum meum suave est, & onus leve. Matthæi 11. Neque angustior, nequelatior via salutis reddenda est, quam secerit Salva. tor. Medium tenuêre beati. Nunquid potiori jure possem retorquere ? houp , moli

- Si non vis intelligere, aut si te fingisnon intelligere, note obstrepere votentibus & valentibus intelligere. August.1, 4. contra Julianum cap. 46.

6. Vetus canticum assumit, quod ladere non intenderit Societatem fesu & ipsius DD, non intenderit sanè: intentio ad Deum pertinet; nos literam judicamus. Læsisse agnoscunt, quotquot sine partium studiis viri prudentes, intelligentes, cordati, judicant, etiam læculares. Consulatur Apologia mea.

Attendat vigilantia mentis tue, neminem contaminari posse ignotorum ignotis geriminibus. Aug. Epist. 164

अराह ७. अराह

monis probabilis in concursu probabilioris, non est tale, ut vir dostus & pius, prudenter possit assentiri. Condemnantur iterum gravissima imprudentia, qui in concursu certò probabilioris sententia tueri pergunt macularam Conceptionem B. Virginis, quibus minimè tamen displicere cupit Paternitas Vestra. Condemnantur & schola, qua in certorum DD. sententias conjurant. Michael Salonius respondit. Consulatur Apologia mea. Quidniliceat retorquere.

Non laboras, ut me intelligas, quod facillime potes; sed laboras, ut me refellas, quod non potes. Aug. lib. 3, ope-

ris imperf.

8. Dicit me calumniis decertare, armisque lege divina & humana prohibitis. ità planè! quia retorsi in nocentes, quod ipsi in innocentem: id quod retorsi, calumnia est. Et hoc invenitur è peccatis meis esse gravissimum, quia retorsi. Si autem hoc vitio mihi verti potest, quanto vitio tribuendum erit his, qui primi læserunt & per injuriam provocarunt.

Tollamus ista omnia de medio : amemus pacem, quam omnis doctus & indoctus intelligit praponendam esse dis-

cordia. Aug. Epist. 116.

Libellos de Radice male & scandalose fundatos pronuntiavi, crudos, incoctos: Fateor. Libens revocabo, dummodo cum Societatis Doctoribus,

1(4

& COIN-

ne

3636 8 3636

communi veterum Thomistarum & Scotistaru, temerariam solum & creperam probabilitatem oppugnandam susceperit. Quod temeraria sint asserta super quibus adissicant Approbatores, probat instrumentum Authenticum contra impassa Eminentis fansenismi calumniam, cui lixivium paravit septimus Approbator. Nec pluribus hicopus.

Itane calumniam imputamus nos tibi? ut ignoscas peto. Aug. 174.

9. Sed infirmare nititur Paternitas Vestrain-Arumentum istud, propter examen scilicet superfluum & tumultuosum institutum à Domino Notario. Non veretur Paternitas Vestra actionem injuriæ? considerentur formalia instrumenti. quod addit de protestatione à discipulo Religioso interposita, falsum est: solum asseruit, uti schola testari potest, revocatum fuisse in Appendice Dissertationis, quicunque ex parte Paternitatis Vestræ intercurrisset error. Opposui factam non esse revocationem nisi conditionatam, sub hac scilicer conditione, si unus idemque effet omnium Scriptorum tenor, quem allegaram in Apologia. Nodum quærit in scirpo Eximius Pater. Errorem si fateretur, laudaretur humilitas. Ecce provoco coram totahac urbe, si vel unus unicus adduci possit è Discipulis meis, quorum facilè triginta Religiosi exceperunt mea dictata in puncto controversia, è quibus alinque non pauci etiam favent honori Paternitatis Vestræ, adduca317 9. 3175

turinquam vel unus unicus, etiam falsarius iste, qui Parernitatem Vestram in hunc labyrinthum induxit, & tots scandalorum occasionem imprudens dedit, si contestari audeat aliter me dictasse ac citavi. Agnoscat vel convicta suum errorem.

Si volueris, tacebis, & desines insidiari veritati. Aug. Ep. 165. à qua cum sanos habeas & vigiles oculos, nescio, qua dissimulatione avertisti. idem Ep. 9.

10. Arguitme quod Censuras Approbatorum dixerim sucis illitas. Dictum de iis, quarum for-

malia allegavi.

Da veniam, si quid liberius dixi, non ad contumeliam ullius, sed ad defensione meam. Potes considerare, quantam mihi respondendi necessitatem impo-

sueris. Aug. 174. Epist.

bent formalia dictatorum: Neque miretur Lector, quod unus alterve Religiosi instituti vir nonnihilnotatus fuerit: vellem, inquit Paternitas Vestra, scire, quinam similli unus alterve. Sunt Vincentius & Pseudo-Philalethes: non tamen Jansenismi nota illos notavi. Utrum notari meruerint, nihil huc pertinet. Quid igitur de Mercoro? Fatetur enim Opponens unum esse è notatis. Ne in mentem quidem Opponenti venit, eum notare. Quam nihil hotum objicere opus foret, si præscriptam Sandæo legem charitatis observare voluisset in alienis mitius interpretandis.

Amemuus, quod cantamus. Aug. Fp.50.

AL 10. 41%

12. Novo argumento impugnor, super impa-Eta fansenismi calumnia. Ita enim Paternitas Vestra: qui inurit notam fansenismi sententia probabihoristica, eandem impingit illis, quos afferit effe illius sententie propugnatores. Atqui Opponens inurit notam fansenismi sententie probabilioristica. Minor probatur, quia ipsam appellat filia fansenismi. Nihil æque deest Paternitati Vestræ, quam ut memoratæ calumniæ suspectu reddat innocentem. Intelligo cur hoc tam sollicitè quærat. Ariadnæ filum optat, quo se sociosque, quos improvide incroduxit, è labyrintho iterum educat. Cumadverterint homines, inquit Aug epift. 74.in hac re tamingente famem cordis tui, multi caudebunt se invenisse occasione, ut ad pauca, Euge, Euge. tam potentem virum faciunt amicums. Paucis respondeo. Matrem posse venesicam esse, ut filia tamen non sit. Solutum est argumentum. Qualia exquiruntur, ut falsitas triumphet?

Quid hoc est aliud, quam quod quidam scripsit de vobis: quod volumus, san-

Etum est. Aug. Ep. 48.

13. Nunc animum intendat Lector timoratus. Ex eo, quòd Paternitas Vestra sententiam Probabilioristicam studuisser male applicatis PP. testimoniis illustriorem reddere, eam vocavi Probabilioristicam corniculam alienis plumis ornatam. Sufficiens hoc visum fuit argumentum sapientissimo viro, qui probabiliora & tutiora sectatur in omnibus, ut procederet in his formalibus: Poste-

अरोह गा. अरोह

riora bec verba de Cornicula serviunt ad melius intelligendum, guis sit Author honorisici istius in nupero actu Doctorali oblati carminis, cujus simbolam erat, nonmutuatà luce fulget, quo celebratus fuit novus fol Doctorum (meintelligit) per semobilis, non aliena luce fulgens. &c. Errat, iterumq, turpiter errat suspiciosus Magister. Non sum Author, ne vidi quidem, nisi multo tempore à Promotione peracta. Neq; adeò constat mihi, utrùm talia contineantur in carmine. Juramentum offerre possem, nisi vererer iterum religiosissimas aures percellere, de quo infrà num. 16. Et hæctamen suadere pergit, & feliciter persuader Eximis MM. NN, ad invidiam mei. Pudet allegare, quæ & qualia super hac irreligiosa suspicione ædificar. Lectoriple inspiciat PRODROMEM & erubelcat: in quo etiam præcinuntur mihi carmina Cornicis & superbientis Pavonis, meque hortatur Paternicas Vestra, ut orem: Expelle Domine, expelle àme spiritum superbia, & concede propitius thesaurum humilitaustue. Post que subjicit, oremus & nos cum illo, &c. (appello te quicunque hæclegis, prudens, intelligens, cordate Lector, utrum talia non sint, quibus me læsum juste conqueri possim? pluribas supersedeo) & hisce tamen ineptissimis næniisavertit Paternitas Vestra animos eorum à mes quos mihi maxime observandos duco.

Dolendum, quòd sint, qui detrahendo nobis, caterorum animos, à quibas diligivide-

'नेशक 12. नेशक

videmur, adversus nos perturbare conantur. Aug. Epist. 227.

14. Pergit occinere mihi censuram Innocentii XI. Clodius accusat, Author libellorum de infami Radice, quam quia censuravi, reus agora At pronuntiavi etiam de doctrina probabilioristica, eam ad hoc natam esse, ut conscientias timoratorum quidem omnino turbet & inquietet; eorum verò, qui minus timorati sunt, etiamin desperationem salutis pracipitet. Justis omnino ex rationibus id asserui de doctina paternitatis Vestræsic universaliter sumptasine omni exceptione aut mitigatione. Si Angelicus Doctor 1.2. quæst. 90, art. 2. inquit, Par non esse, ut severe leges interpretemur, cum tam grandi molestià & periculo subditorum: eò quod nulli debeamus laqueum injicere; quantò magis hæc doctrina valebit, nè leges novas & intolerabiles feramus absque sufficiente rationum fundamento? Non eruuntur homines à luto peccatorum, sed per ejusmodi incertarum legum doctrinas profundius in illud merguntur, quia desperatius. Preterquam, quod per ejusmodi sententias horrendum conscientia inquietentur. inquit Gerson 3. parte lect. 4. de vita spirit. coroll.11. subscribit Gabrielin 4. distinct. 15. art. 2. sichabens: Nisievidentiratione constet, aliquid esse peccatum, incautum & malum est dicere, quod sit peccatum. Rationem addit: quia hoc est, ponere laqueos pedibus ambulantium. Plus illis nihil asserui. Quin & ipse Fagnanus ob eandem rationem vetat Clericos gratis damnari. Consulatur Apologia. Qualo

3225 13. 3226

Queso & iterum deprecor, ut ignoscas desputatiuncula mea, & quod modum meum egressus sum, tibi imputes.

Hieron. Epist. 11.

15. At eccenovo argumento gravissimo impugnor. Dicor dixisse, Surrexerunt quida de Heresi fanseniana, dicentes: Oportet pracipere, servare legem probabilioristicane, ex quibus formalibus ita procedit Paternitas Vestra: judicet Christia. nus & intellegens Lector, qualiter notetur hac sententia cum adherentibus & patrocinantibus illizinter quos ego minimus. Neque solus sum in bac Universitate Sc. Post qua ita pergit: Judicet quilibet prudens, anhic Author (me putat) habeat sufficiens fundamentum protestandi de injuria si dicatur Propugnatores & fautores hujus sententia notari ab eonotà fansenismi? fudicent Eminentissimi, Illustrissimi & Reverendissimi in urbe Romana & extra viventes, bujus sententia Patroni. Plura videat Lector in PRODROMO. Quidigitur? Surrexerunt quidam de Heresi fansenstarum, decentes: Oportet pracipere, servare legem probabiliori-Sticam: Ergo Eximius Pater SCHWEITZER & cateri Fautores Probabiliorifica notatifunt nota fansenismi. Quomodo sequitur? norunt Logici v x salutatis Philosophiæ siminibus, à non dyfributo, male procedi ad distributum. Al qui surrexerunt:ergo isti & isti, & omnes. Et luper hac ramen argumentatione præclara appellantur Eminentessimi, Illustrissimi, Reverendissimi, &c. judicent Logicæ discipuli.

3275 14. 3275

In longum sermo protractus carens intelligentià: & dum non sentitur ab imperitus; minus reprehenditur. Hieron. Epist. II.

16. Reprehendor, quòd coram congregato Concilio sacræ Facultatis non compulsus juraverim. Jurabis, inquit Paternitas Vestra ex Hieremiæ 4. in veritate, in judicio, & in justitia. Subjungit: Perculsi fuimus, quia videbantur deesse comites requisiti ad legitime jurandum. Ecqui comites? an deficiunt etiam Apostolo Rom. 1. Testis mibiest Deus, quod sine intermissione memoriam vestri facio? Quis compulit jurare? in quo judicio? pro qua justiria juravit? Simile quid objicit Paternitas Vestra, mihi contestanti, quòd nollem sacrum tribunal frequentare & & Professorismunus obire, si judicarem Paternitatis Vestræ doctrinam esse vel minime probabilem. Iterum profiteor, si probabile est, Probabilisticam esse radicem, ignorantiam invincibilem nullam dari in lege Divina, naturali & positiva. Qualia docemur in crudis & incoctis illis libellis.

Nihil deinceps nocendi cupiditate fiat: sed omnia ad consulendum charitati. Augustin, Epist. 54.

17. Post hæc ob læsum Vincentium arguor. Malo argui, quam arguere & plausum facere Sectariis. Nihil addam his, quæ in Apologia de Vincentio allegavi.

Cate-

Al 15. Al 15.

Caterum novit Prudentia tua, puerilis esse jactantia, quod olim Adolescentuli facere consueverant, accusando illustres viros suo nomini famam quarere. Hieron, Epist. 11.

18. Deniq; pergit me reum facere, quod docuerim, non posse adduci rationem convincentem,
cur fornicatio in quibusdam circumstantiis su jure
natura illicita. Iterum respondeo, quòd expresse docuerim & dictaverim, in nullis circumstantiis licere quævis carnis peccata. Seposità tamen Authotitate Ecclesiæ rationem esse difsicilem pro certis circumstantiis; cum vel
ipsum Augustinum latuerit. Consulatur Apologia, & intellectibus non voluntatibus certetur.

Quare aperitis aures ad sermones dicentium, quod nunquam probare potuerunt? August. 171. Epist.

19. Et hæc responsio mea brevis est ad Prodromum. Superest pauca replicari ad Metadromum, id est, disputationem de incertitudine sententia probabilistica, seu Consirmationem sententia probabilioristica &c. Sic posteriorem libellum intitulat Paternitas Vestra modestia momor, ut desistat ab injuriosa censuratione doctrina nostra, velut Radicis damnatarum propositionum. Et nunc

Scias

\$27 16. \$275

Scies opere difficilius esse confirmare sua, quam aliena reprehendere. August. Epist. 11.

20. Lectorem Paternitas Vestra alloquitur in formalibus Dedicationis à me sactæ in Apologia, pauculis immutatis. Laboris compendium quæsivit: quod non improbo. Hoc tamen displicet, quòd textum Augustini alleget ex libro 1. de bapt. contra Donatistas cap. 3. Responsum suit pag. 87. Apologiæ. Similem in aliis secuturis cramben ad nauseam recoquit.

Aliam defensionem para, si potes, nè, dum negas, quod convincam, moras facia-

mus. Aug. Ep. 172.

21. Oppugnor: si doctrina probabilistica sit certò vera, vel est ex terminis nota vel per discursum? se. per discursum, qui extat in Apologia. Insirmare hunc multis nititur per undecim paragraphos, sed, ut verum fatear, vulnera non facit. Primum inquit; ut incompendio proponam; si Probabiliorista tollunt suave jugum Christi, ergo & Probabilista, qui innecessariis necessitate medii solent criam obligare ad tutiora.

Resp. Pauca hæc esse, quæ necessitate mediad salutem requiruntur: innumera autem, eaque disticillima pro omni statu, conditione, ætate, quæ ex necessitate præcepti imponunt Probabilioristæ. Si quas speciales exceptiones plures faciunt probabilisticæ Doctores, omnino

3025 17. 30 25

eas non improbamus: De quibus tamen nihil certi decidendum sumimus in præsenti. Quod de cœcitate Pharisæorum additur, spontanea, pertinax, detestabilis fuit, nullâ nitens ratione probabili strictè sumprâ.

Grede, sic est, ita te fruar in ipsa voluntate, & in ipsa, cujus umbra averteris, dignitate veritatis. August. Epist. 56.

22.In 2. §. nihil invenio refutatione dignum. Objicit sibi varia ex jure Canonico ipsa Paternitas Vestra, quæ non attigi in Apologia. Acquiescam, si mea refutet. Istud verò etiam placet, quod nune tandem fateatur, saltem in materia justitiæ licere ei, cui favet possessio, sequi sententiam minus probabilem. Et sic solvuntur argumenta dissert. triplicis generaliter probantia contranos. Judicet intelligens & cordatus Lector. Si autem idlicet, quomodo tenebimur ex præcepto vitare, quo possumus meliori modo, periculum peccandi? quali tamen argumento immediate post gratis oppugnamur. Ejusdem 9. pag. 18. me reum agit traditarum in Apologia propositionum, quæsunt 62. & 63. interdamnatas ab Innoc. XI. Prior sic haber: Proxima occasio peccandinon est fugienda, quando causa aliqua utilis ant honesta non fugiendi occurrit. Posterior: Licitum est quarere directe occasionem proximam peccandi pro bono spirituali vel temporali

36 35 18. 36 35

rali nostro, vel proximi. Admitto non qualemcunque causam utilem aut honestam sufficere, nec qualecunq; bonum spirituale, vel temporale ad se exponendum tali periculo. An fortè Paternitas Vestra audebit interpretarifactam essedamnationem tam stricta ratione, ut nulla penitus urilitas, honestas, necessitas excuser? Præsumo de meliori intelligentia. Si autem aliquando excuset, quomodò me reum facit, qui in his formalibus processi: Estoitaque, non operetur prudenter, qui se periculo exponit, si hoc temere, si sine causa, si sine spe evadendi &c. faciat; potest tamen prudenter operari, si hoc faciat sine temeritate, cum honesta causa & spe, imo certitudine evadendi. Judicet inter nos intelligens & cordatus Lector.

Veritas dulcis est & amara. Quando dulcis est, parcit: quando amara, curat. Si nonrecusas bibere, quod in hacepistola offero, probabis, quod dixi. Utinam seut mihi non obest, sic nec tibi obesset, quidquid contumeliarum mihi irrogas. August, Epist, 211.

23. Quæ tertio paragragho adducuntur, nihil probant contra doctrinam Apologiæ. Ad locum Divi Aug. ex lib. contra Donatist. de Bapt. c. 1. responsum est sufficienter pag. 86. & 87. Similiter §. 4. nihil solidæ rationis occurrit, quâ infirmetur argumentatio ex irrefragabili authoritate Doctorum Probabilistarum evi-

denter

38 25 19. 38 25

denter à me deducta in Apologia. Sed neque ullo argumento gravi oppugnamur §. 5. quod judicare potest, qui legit & intelligit, quod in Apologia tradidimus.

Si autem illud tibi non vacat legere,nec mihi vacat frustrà verba jactare, August. Epist. 175.

24. §. 6. Conatur Paternitas Vestra omni modo probare, quòd sententia probabilis in concursu probabilioris amittat motivum, cui vir prudens possit assentiri. Paucis responsum est suprà num. 7. & fusiùs in Apologia. Unum addo notatione dignissimum: quia dato etiam (licet certò falsum sit) quòd imprudenter ageret, quicunque consensum præberet minus probabili cognito ut tali; nos tamen consensum damus probabiliori, seu magis probabili ut tali: quia ut rectè Michael Salonius vester (cujus testimonium & argumentationem meam ex testimonio ipsius deductam consultò & præteriit & dissimulavit Paternitas Vestra, eò quòd apertæ falsitatis convinceretur & responsi nihil occurreret) magis probabile quam non licere. Sic etsi speculative esset probabilius, quod pingere sit illiberale, quia tamen probabile manet, esse liberale, & certò probabilius est, licere sequi minus probabile, etiam probabilius érit licere pingere, quam non licere (tametsi tamen prudentius abstineatur, dum non cogit necessitas) adeòque)()(2 etiain

अरोह 20. अरोह

etiam principiis vestris insistendo, certò licebit sequi sententiam licet minus speculative probabilem. Possem fusius deducere præsens argumentam; sed brevitati consulendum duco, cum possim facile intelligi ab eo, qui intellectibus

non voluntatibus pugnat.

25. Quod §. 7. probare nițitur, ex eo refellitur, quod jam dictum est: quia probabilistica est certò probabilior : ne dicam est simpliciter certa, consulatur Apologia. Sed neque \$. 8. ulla ratione enervat argumentationem in Apologia deductam ex defectu sufficientis promulgationis legis probabilioristica. Quod de Cardinale Pallavicino adducitur pag, 79. non probatur. Neque Celladii ad probandum authoritas à nobis velut sufficiens acceptatur. Specialiter autem hoc paragrapho dantur verba speciosa, prætereaque nihil.

26. Celladii argumentum, quod adfertur §. 9. non ligat: juris enim ipfius naturæ est, tamdiu non constringi agens liberum, donec probetur lex. Perindè autem hoc tenet in materia justitiæ, aliarumque virtutum, licet fortè cum pauculis limitationibus, de quibus ex professo agendum hic non sumo. Posteà adducit formalia quædam ex Responsione Apologetica, quæ gratis, inquit à me declamari. Peto igitur oftendi in Dissertationibus de Radice, vel umbramrationis, ex qua divinare potuerim placere Paternitati Vestræ, utliceat aliquando sequi minus

bilem in concursu probabilioris. Sequuntur; quibus iterum studet me reum agere violati Pontificii mandati. Clodio responsum est suprà. Pessimè autem applicatur à Paternitate Vestra, & Mercoro contra Apologistam & Probabilistas Doctores istud Prov. 6. Est via, qua videtur homini resta, sed novissima ejus ad inferna deducunt. Talia declamet Paternitas Vestra contra Hæreticos: Nos Ecclesiæ Catholicæ obedientes silii sumus, & malumus chara omnia cum sanguine & vita profundere, quam scientes legem Dei prævaricari. Non judicet, iterum moneo, antequam veniat dies Domini.

Si autem tu vides, quia injustum est: fac, quod decet. August. Epist. 211.

27. \$.10 & 11. nihil adducitur, ad quod refponsio non facilè deducatur ex responsione Apologetica. Seipsam quoque impugnat Paternitas Vestra pag. 115. & 116. quia concessit licere in aliquibus sequi minus probabile.

Quòd quantim dedeceat, quanquam tuorum studiorum raptus ardore prorsus nolis attendere: tu etiam sentis tamen. August. Epist. 56,

28. Denique finit Paternitas Vestra inprobrosis dicteriis, cum debusser potius veniam rogare pro manifesta & evidente injuria, caque tam gravi,

粉器 22. 粉器

gravi, tamque multiplici, quâ me & Doctores Probabilistas affecit. Colligi hoc potest ex instrumento meo Authentico, ex ineptissima censura Radicis, ex fædissimis Epithetis, quæ occurrunt in Dissert. tertia, ex Approbationibus Dissert. Triplicis, istà inprimis canina septima, quàm suà privatà authoritate imprimi curavit, & expluribus aliis. Condono tamen hæc omnia Paternitati Vestræ in visceribus JESU Christi, quem ut Probabilista & Probabiliorista inveniat propitium Judicem, animitus precor. Ut finem inveniat Allelo-logomachia Paternitatis Vestra. Quod insuper sub finem disputationis mihi exprobrat juventutem & ignorantias, & istud condono. Cani autem sunt sensus hominis, & atassenectutis vitaimmaculata. Sap. 4. Toties recoquens cramben recoctam, concludo &

Rogo, si sieri potest, ut inter nos quaramus & disseramus aliquid, quo sine
amaritudine discordia corda nostra
pascantur. Si autem non possum dicere, quid mihi emendandum videatur in scriptis tuis (Dissertationibus) nec tu in meis (Responsionibus Apologeticis) nisi cum
suspicione invidia & lasione amicitia,
quie scamus ab his, & nostra vita salutique parcamus. August. Epist. 15.

29. Ul-

29. Ultimum & hoc rogo, ut desinat mihi objicere, quòd mez Responsiones prodeant sine Censura & Approbationibus. Censura adest, quia eduntur permissu Superiorum, ad quos me temissi ordinarius Censor. Approbatores multos non invideo Paternitati Vestrz, dummodo causz justitia stet pro me. Illorum obstetricantes manus non imploravi, uti malè exprobrat Paternitas Vestra, sed volui me legi subjicere, ad quam non tenebar. Interim non sunt Hebraz sicut Agyptia mulieres, ipsa enim obstetricando habent scientiam, & piusquam veniamus ad eas, pariunt. Concludo:

Siculpa est, respondisse, queso ut patienter audias: Major est provocasse. Sed facessant querimonie. Sit inter nos pura germanitas, de deinceps non questionum, sed caritatis ad nos scripta mittamus. Hieron. Epist. 18. ad Augustinum.

Maneo

Admodum Reverendæ & Eximiæ Paternitatis Vestræ

Servus in Christo

B. F. S. J.



